

ԳԱՎԱՌԻ ՊԵՏԱԿԱՆ ՀԱՄԱԼՍԱՐԱՆԻ ՀԱԿԱԿՈՌՈՒՊՑԻՈՆ

ՌԱԶՄԱՎԱՐԱԿԱՆ ԾՐԱԳՐԻ 2014 ԹՎԱԿԱՆԻ ԿԱՏԱՐՄԱՆ ՀԱՇՎԵՏՎՈՒԹՅՈՒՆ

Գավառի պետական համալսարանում 2014 թվականին ձեռնարկվել են նպատակային միջոցներ ԳՊՀ հակակոռուպցիոն ռազմավարական ծրագրի և ԳՊՀ ակադեմիական ազնվության հայեցակարգի դրույթների իրականացման ուղղությամբ: Համալսարանն աշխատում է իր որդեգրած «Կրթություն՝ առանց կոռուպցիայի» և «Կրթությունն՝ ընդդեմ կոռուպցիայի» սկզբունքներին համապատասխան:

Հաշվետու ժամանակահատվածում իրականացվել է ԳՊՀ կանոնակարգերի և ընթացակարգերի հակակոռուպցիոն փորձաքննություն, մշակվել և ներդրվել են կոռուպցիոն վտանգները կանխող կառուցակարգեր:

Համալսարանում ընթացող բոլոր բարեփոխումներն անմիջականորեն կամ անուղակիորեն ունեն հակակոռուպցիոն բնույթ: Մասնավորապես, հակակոռուպցիոն ուղղվածություն ունեն.

- ԳՊՀ-ի՝ որպես բարձրագույն մասնագիտական կրթական ծրագրեր իրականացնող ուսումնական հաստատության, որպես Գեղարքունիքի մարզում գիտական, կրթական, մշակութային կենտրոնի, միաժամանակ խոշոր հարկատուի և գործատուի առաքելության հստակ սահմանումը,

- կարգապահության բարձրացումը,
- վարչական, պրոֆեսորադասախոսական անձնակազմի և ուսանողների պատասխանատվության բարձրացումը,
- ԳՊՀ ուսումնական գործընթացի հստակ կազմակերպումը, բուհի գործունեության առանցքային փուլերը կանոնակարգող ներբուհական փաստաթղթերի ընդունումը, կատարման ապահովումն ու վերահսկումը, դրանց բարելավումը,
- ԳՊՀ ինքնավերլուծության իրականացումը, ուժեղ և թույլ կողմերի բացահայտումը,
- ԳՊՀ հակակոռուպցիոն դիրքորոշումը հանրապետական և մարզային զանգվածային լրատվամիջոցներով պարբերաբար ներկայացումը,
- համալսարանի վերաբերյալ տեղեկատվության մատչելիությունը,
- ուսանողների հետ շարունակական բացատրական աշխատանքների կատարումը,
- ուսանողների հեռացման, ազատման, վերականգնման գործընթացների օրինականության և թափանցիկության ապահովումը,
- «բաց դռների» քաղաքականության վարումը,
- «Թեժ գծի» և «վստահության արկղիկի» մշտական առկայությունը,
- ԳՊՀ ակադեմիական ազնվության հանձնաժողովի գործունեությունը,

- ԳՊՀ ֆինանսական հոսքերի և նյութատեխնիկական ռեսուրսների արդյունավետ և ինելամիտ կառավարումը,
- ԳՊՀ հակակոռուպցիոն կորպորատիվ մշակույթի ձևավորումը և արմատավորումը,
- համալսարանի գործունեության բոլոր ոլորտներում օրինականության և սոցիալական արդարության սկզբունքների պահպանումը:

Ի կատարումն Գավառի պետական համալսարանի հակակոռուպցիոն ռազմավարական ծրագրի՝ հաշվետու ժամանակահատվածում.

- ապահովվել է օրինականության և հրապարակայնության սկզբունքների իրականացումը բուհի գործունեության բոլոր ոլորտներում,
- համալսարանում գործարկվում է ուսանողների գիտելիքների ստուգման և գնահատման բազմագործոնային համակարգ, ինչպես նաև այլընտրանքային եղանակ՝ «Examination-GSU» համակարգչային ծրագիրը,
- կիրառվել է լուծարային շրջանում ակադեմիական պարտքերի ընդունման հանձնաժողովային եղանակը,
- երկու անգամ ուսանողների շրջանում անցկացվել են անանուն հարցումներ, որոնք ի թիվս այլ հարցերի, բովանդակում էին կոռուպցիոն վտանգների բացահայտմանը միտված հարցադրումներ,
- ԳՊՀ ուսանողների ջանքերով ստեղծվել և գործում է համալսարանի «www.gsu.am» ինտերնետային կայքին կից ԳՊՀ հակակոռուպցիոն բլոգը:

Հաշվետու ժամանակամիջոցում ԳՊՀ ներկայացուցիչները մասնակցել են հակակոռուպցիոն թեմաներով հանրապետական և միջազգային սեմինարների, ներկայացրել ԳՊՀ հակակոռուպցիոն ռազմավարական ծրագրի և ԳՊՀ Ակադեմիական ազնվության հայեցակարգի հիմնական դրույթները:

ՀՀ կրթության և գիտության նախարարության, ԱՄՆ-ի Միջազգային զարգացման գործակալության «Հակակոռուպցիոն գործողության մոբիլիզացման ծրագրի», ԵԱՀԿ Երևանյան գրասենյակի համատեղ կազմակերպած «Բարձրագույն ուսումնական հաստատություններում թափանցիկության և արդարության ավելացում» թեմայով միջազգային համաժողովում ներկայացվեց ԳՊՀ հակակոռուպցիոն փորձը, և ակտիվ քննարկումներ ծավալվեցին ԳՊՀ զեկուցման շուրջ:

«Քաղաքացիական հասարակություն» ՀԿ-ի կողմից ԳՊՀ ուսանողների շրջանում կազմակերպված սոցիոլոգիական հարցման արդյունքներով ԳՊՀ ուսանողների 98%-ը նշեցին, որ համալսարանում չեն առնչվել կոռուպցիոն երևույթների և ակադեմիական ազնվության խախտումների հետ, իսկ 2%-ը որպես ակադեմիական անազնվության դեպքեր մատնանշեցին

միջանկյալ քննությունների ընթացքում ուսանողների կողմից արտագրության փորձերը: Դասախոսներից և ուսանողներից բաղկացած ԳՊՀ ակադեմիական ազնվության հանձնաժողովը քննել է միջանկյալ քննությունների ընթացքում ուսանողների արտագրության արձանագրված դեպքերը:

ԳՊՀ ուսանողները շահել են «Թափանցիկ կրթական ցանց» միջազգային դրամաշնորհային ծրագիրը և իրականացրել հակակոռուպցիոն ակցիաներ: Նկարահանվել է հակակոռուպցիոն սոցիալական տեսահոլովակ և հեռարձակվել Գեղարքունիքի մարզի «Գեղամա» հեռուստաընկերությամբ, պատրաստվել են հակակոռուպցիոն պաստառներ, «ԳՊՀ-ն դեմ է կոռուպցիային» գրությամբ գրիչներ, կոռուպցիայի դրսևորումները, պատճառներն ու պայմանները բացահայտող և կոռուպցիոն իրավախախտումների դեմ պայքարի միջոցները ներկայացնող տեղեկատվական թերթիկներ:

ԳՊՀ ուսանողները մասնակցել են համալսարանում կազմակերպված հակակոռուպցիոն թեմաներով սեմինարների շարքին, միաժամանակ, նույն թեմաներով ուսանողների ուժերով սեմինարներ են կազմակերպվել Գեղարքունիքի մարզի Գավառի և Սևանի ավագ դպրոցներում:

Համալսարանում շարունակական աշխատանքներ են կատարվում կոռուպցիոն երևույթների նկատմամբ անհանդուրժողականության մթնոլորտի ձևավորման և որակյալ կրթական միջավայրի ապահովման ուղղությամբ:

ԳՊՀ-ն 2013 թվականին ՀՀ բուհերի փորձնական վարկանիշավորման արդյունքում նվաճեց առաջին հորիզոնականը երրորդ անվանակարգում. երկու կրթական աստիճանում՝ բակալավրիատում և մագիստրատուրայում, երեքից ավելի մասնագիտական կրթական ծրագրեր իրականացնող բուհերի շարքում, իսկ 2014 թվականին ՀՀ բուհերի ազգային վարկանիշավորման համակարգում նույն անվանակարգում համալսարանը զբաղեցրեց երկրորդ հորիզոնականը՝ Հայաստանի ամերիկյան համալսարանից հետո:

ԳՊՀ վարկանիշի ձևավորման գործում կարևոր է հանրային վստահությունը, բուհի հակակոռուպցիոն քաղաքականության հետևողական իրականացումը: